



Kinguaassiutitigut atornerluisimasut pineqaatissinneqarnerannut atatillugu, kinguaassiutitigut atornerlueqqinnissaq pinngitsoorniarlugu katsorsarneqartalernissaat siunertarlugu nunatsinni pinerluttulerinermut inatsisip allannguutissaanik saqqummiussisoqarsinnaaqqullugu Naalagaaffeqatigiinnermi oqartussaasut saaffigineqarnissaannik Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Stine Egede, Inuit Ataqtigiit)
(Siullermeerinnineq)

Kinguaassiutitigut atornerluineq ataasiinnaagaluarpalluunniit tamanna akuerineqarsinnaanngilluinnarpoq. Demokraatiniit isumaqarpugut uagut politikeriesugut akisussaaffigipput sapinngisarput tamaat atorlugu kinguaassiutitigut atornerluisarnerit ikilisartariaqarigut. Taamaammat pineqaatissiisutit sakkortunerunissaat taperserparput. Killissat pillugit paasissutissat amerlanerussasut isumaqarpugut, taamaalilluni kikkut tamarmik atornerluineq suunersoq nalunnginniassammassuk. Taamaammallu aamma taperserparput inuit kinguaassiutitigut atornerluisimasut katsorsarneqartalissasut.

Oqaannarnissarli ajornaqaaq. Katsorsartinnerup iluaqutaanissaa qularnaatsuunngilaq, aammattaaq kinguaassiutitigut kanngutsaatsuliortup katsorsartikkusunnessaa qularnaatsuunngilaq. Kingullertut taasara pingaaruteqarpoq, tassami tassani eqqarsartaatsikkut katsorsartinneq pingaarnertut pineqarmat, katsorsaariaaserlu taanna aatsaat iluaqutaasinnaalluni kanngutsaatsuliortoq katsorsarneqarnissaminut kajumissuseqarpat.

Tamanna tunngavigalugu Demokraatit isumaqarput kanngutsaatsuliornikut pinngitsaaliissummik katsorsarneqartarnissaat iluaqutaanavianngitsoq. Pinngitsaaliineq aningaasanik piffissamillu asuli atuinerinnaassaaq. Illuatungaaniilli isumaqarpugut uagut Naalakkersuisooqataasut siunnersuutigissagipput pineqaatissinneqarnikut katsorsarneqarnissaannut kajumissaartassagigut. Taamaaliornikkut inernerit pitsaanagerusut anguneqassasut isumaqarpugut. Tassalu inernerit pitsaanagerusut pilersinneqartussat tassaapput sammineqartariaqartut. Soorlu oqareersunga kinguaassiutitigut atornerluineq ataasiinnaagaluarpalluunniit tamanna akuerineqarsinnaanngilluinnarpoq. Taamaammat uagut aalajangiisuusussat pisussaaffigaarput qulakkiissallugu nukitta pitsaanerpaamik sunniuteqarnerpaasussamillu atornissaat.

Allatut oqaatigalugu Demokraatit ima isumaqarput, Naalakkersuisut allannguutissatut siunnersuutaata suliarineqarqinnera ukkatarineqartariaqartoq.

Taamatut oqaaseqareerluta siunnersuut Ilaqutariinnermut Isumaginninnermullu Ataatsimiititaliamut suliassanngorlugu innersuussutigaarput.